

دائرة مخصوصه

درسعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوئیه

قبول اولنور

درج ایله بن آثار اعاده اولنور

دینه، فلسفه، علوم، حقوق، ادبیاتده و سیاسیاتده و باطاضه کړک سیاسي و کړک اجتماعي و مدني احوال و شئونه اسلامیه و نه بحث ایدر و هفته ده بر نشر اولنور.

آبونه بدلی

سنه لکي

التي آيلني

ممالک عثمانیه ایچون	۸۰	۴۰	غروش
روسیه	»	۶۰۵	۳۰۵ روبله
سائر ممالک اجنبیه	»	۱۷	۹ فرائق

صاحب و مؤسسری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلیر

ایشی وقت مرهونه ترك ایتكده ایدیلر. بیلورلردی، كه آرتق بوحال دوام ایتیه جك، بركون كله جك بوايكي قارداش- ترك، تاتار- يكديكريني دراغوش ایدرك يكديكرينه صاريله جقلر. عثمانلیر ايسه برادرانه شفقتلرینی بوندن صكره آرتق هیچ اسیركیه جك. ایشته او وقت مرهون بر سندهن بری حلول ایتمشدر. قاج عصرلردن بری وحتى وولغا كنارلرنده وداع ایدیلدن بری يكديكرینی كوزلجه اكلايه مامش بوايكي قارداش بوكون مكتب صره لرنده آ كلاشیورلر. اللرینی صوك درجه صمیمتله صیقیورلر. استقبال ایچون نه لازمه برپدرك چوچنی کی برابر حاضرله مق صدنده بولنیورلر. بونی كورن ملتزده ايسه عثمانلی ترك قارداشلیرمزه قارشو بر اثر منت، بویاورولردن ايسه بیوك بر امید وبونلر ملاقی اولتی ایچون ده صوك درجه صبرسنلق نمایان اولیور. فقط بوحال ملتی دائماً كندی منافع شخصیهلری بیوندورغنده طوتمه بی اعتیاد ایدین قدیمی قرقه سنك خوشنه كیتمیور. ملتك سلامتی دوشنهرك استانبولك صفوق خان كوشه لرینی اختیار ایدرك دیار غربته یوارلانمهی بیوك بر بختیارلق عد ایدن بواولاد ملتی لكه ملك وبوسبله ملتك نظرندن دوشورمك ايسته یورلر. وبونشبلرینك مشمر اولسی ایچون طیبی دیسنزلكه اتهام ایده جكلر. ایشته بواتهاماتك مقدمه لری قدیمچیلرك ناشر افكاری اولان اورنبورغده منتشر دین ومعیشت مجله سنده كوزوكه یه باشلادی.

دین ومعیشت مجله سی برسیاست قوللانیور. بردن بره صراحة دیسنزلك ايله اتهام ایتمیور. بلکه برنجی دفعه ده ضمناً آ كلاتیور. دییوركه «استانبولدن خصوصی ویریلن خبرلره نظر آرقاچ اسبابه مبنی (دقت ایدكز) روسیه دن فرار ایدن برنجیه شارلاطانلر طلبه قیافته كیرهرك استانبولده تحصیلده بولنان طلبه لری ترك دین و دیانت خصوصنده کی تشویقاتلری ابلیسك تشویقاتلری فرسخلرجه كیروده براقه جق درجه ده ایلرولمكده در» دین ومعیشت مجله سی بوراده تشویقاتك نتیجه سی نه اولدیغنی یازمایور. اوتشویقات ابلیسیه دن دهامؤثر اولدیغنی سویله دكدن صكره آرتق نتیجه نك نه اولدیغنی كندی كندینه آ كلاشیلیور ظن ایدرم.

دین ومعیشت مجله سی بر طاقم شارلاطانلری استانبولده صوقلمش کی كوسترمه سیله استقبالی ایچون بر فائده دها تأمین ایتك ایتستیوركه اوده استانبولدن عودت ایده جك طلبه لردن امنیتی سلب ایتك. عجا بو عودت ایدن افندی حقیقه بر طلبه می؟ یوقسه اوراده طلبه نا،نده كزن شارلاقامی؟ جوابی ده طیبی دین ومعیشتك آغزینه منحصر قاله جق...! اوت، بوشارلاتان مسئله سی يك نظرده اوله بیلیر. بزم روسیه اسلاملرنده برضرب مشر وارددر: «موسی نرده ايسه فرعونده اوراده.» فقط استانبولده بولنان طلبه لر بورالرینی چوقدن دوشندیلر. هراحتالندن احتراز ایتك لازم كله جكنی تقدیر ایدرك اطرافدن اسهن روزكارلره سپر اولتی اوزره برشی اتخاذا ایتدیلر، كه اوده پرا كنده برحاله یشایان طلبه مزنی كتله واحده حاله افراغ ایدرك «روسیه لی اسلام طلبه سی» جمعیتی حصوله كتورمه لریدر. اورطه لقه تقدیسه

مجبور اولدیغ بوجعیت موجود ایكن اسهن هربروزكارك بازیجه سی اولتی احتمالی یوقدر. زیرا جمعیتك برنجی وظیفه سی تصفیة اخلاقدر. مادامكه اورطه لقه بویه بر جمعیت مقدسه طوزییور، طلبه مزك حالندن اندیشه ایتك پك نابمجلدر. مادامكه استانبول طلبه لرینك ملجائی بوراسیدر، شارلاطانلرك اكر اویله برشی وارسه - برشی یاه میهرق مأیوساً كیرو دونه جكلری، هیچ بر وقت بوراده طلبه نامه كزه میه جكلری شهه دن وارسته در. بناء علیه منقبرستانك، ییه جك ارزاقنی باشته بر یردن آرامسی لازم كلور. استانبول اطرافنده طولاشمق ايسه پك نافله در.

دین ومعیشت مجله سندها بر رجاض وارددر، كه اوده بوكی خبرلری مخبرلرینك امضاسیله نشر ایتاسیدر. عكس حالده بونلرك هیسنی كندی ترتیب كرده سی دیه تلقی ایتكده معذورز.

ترویسیك لی احمد تاج الدین

بخاراده شریعت نامنه ارتكاب اولنان جنایات

بخارانك مقدراتنه حاكم برسورو اجاهل واردركه علما عنوان جلیلی من غیر لیاقة طاشیمقده درلر. ورثة اخلاق انیا اوله لری لازم كن بوفرقة باغیه ابلیسك بیله ارتكابندن حیا ایده جکی انواع منهیاتی، انواع مساوی بی- یالکز كندیلرینه منحصر اولتی اوزره- مباح كوردكلری حالده منافع مملكتته خادم، فقط كندیلرینك منافع ذاتیه لرینه مغایر برتشبث كوردیلرمی، «شریعت احكامنه مغایر در.. اهل كفره تشهدر.. بو، اوله ماز.» یاغره سنی قویاریر واوتشبت نافع - شرعه یالکز موافق دكل، بلکه شرعاً واجب ایكن - مانع اولورلر، نیچون؟ چونكه تأمین ایده كلدكلری منافع غیر مشروعه یه آتیا خال كله جكلر. چونكه - اونلرك اعتقادنجیه - شریعت یالکز اونلرك آرای خود سرانه سیدر. اونلر نه پیغمبر طایر، نه مجتهد. نه ده ادله اربعه بیلیر.

ادله اربعه، شمیدی ادله خمس اولمشدركه برنجیسی بخارانك ارادات کیفیه لریدر. بودلیل ادله سائریه تقدم بیله ایدر. بخاراده اصول جدیده تدریسیه بی تطبیق مقصدیله ارباب حجت طرفندن برایکی مكتب آچیلمشدی. حتی رمضان دن مقدم اجرا اولنان امتحاننده علمانك تقدیرینی قازانمشدی.

بیلم صكره نصل اولمش ده مكاتب مذكوره باشده اعلم غیاث الدین افندی اوله رقی نه علما طرفندن قاپادیلش، عدم جوازینه فتوی ویریش.. طرفدار تجدد اولان مفتی حاجی اكرام افندی حضرتلری تك باشنه قالمشدر.

مخالفلر ده، موافقلر ده فتوا سی مهرله مكدن استسكاف ایدن دیگر ایکی مفتی محترمك ايسه هیچ اولمازسه بویه بی طرف قالدقاری ینه شایان تشكردر.

حادثه مذكوره دن باحث متعدد مکتوبلر آلدیم.. بخارادن یکی تشریف ایدن بعض ذوات ايله ملاقات ایتدم.. نتیجه ده علمانك

بر تربيه متينه كوره چك صو كره ؟ ... بونلرك حالى ؟
فقط بزمايوسمى اوله لم ؟ خاير، هيچ بروقت ! امين اولسونلر ،
اودشمنان حقيقى دين و شريعت كه بك ياقين بر زمانده « ويوم يعرض الظالم
على يديه » سر جليلنه مظهر اوله جقلردر . فانتظروا ! انامكم منتظرون .

م . ص . بخارى

طورغاي ولايتنك قوستاناي شهرنده بر مسلمان جمعيت خيريه سى
تاسيسى ايچون رخصت آلمشدر . « وقت »

صراط مستقيم

بويله بر امر خيريه تشبث ايتدكلرندن طولاي اورا اهالى مسلميه
واغنيا كرامنى تبريك ، جمعيتك دوامنى تمى ايدرز .

جناب حقه بيكلرجه حمد و ثنا اولسونكه روسيه اسلاملى
آره سنده بويله جمعيتك مقدارى كوندن كونه چوالمقده وبوكي
واسطه لر ايله بى كس وعاجز قالمش قارداشلىرىمى نائل معاونت
اولمقدهدر . بوجميتلردن برى ده ترويسكى جمعيت خيريه اسلاميه
سيدر كه بوندن ۱۱ - ۱۲ سنه مقدم روسيه اغنياسندن مليونر
برادران ياوشغلك همت وغيرتى سايه سنده تاسيس اولنه رق امثالى
نامسبوق خدمتاره موفق اولمشدر .

۱۹۰۷ سنه ميلاديسنده روسيه ده حكمرما اولان مدهش قولرا
علتلك ميدانده يوز اوستى برافش اولديغى برچوق اسلام يتيملىرى
بوجميت محترمه امدادينه يتيشهرك روسلرى بيله حيرتده براقه حق
بر اثر فعاليت كوستردى . تحت حمايه سنده بردارالايتام كشاديله
بوزواللىلرى ابدى بر فلاكتدن قورتاردى .

اوصيرالرده محترم اماملرك جامعلرده آغلايه آغلايه بواصر خيريه
تشويق وترغيبلىرى ، اهالينك ده اماملرك شوو وضعيت ترحم آورندن
جدا متاثر اوله رق نمنك كوزلرايله اغانه يه شتاب وكليتلى فداكارلقلرده
بونلرلى حقيقه شايسته تقدير ايدى .

جمعيت بونلرلى يالكز اعاشه واسكان ايله اكتفا ايتدى .
غداى مغويلرلى دخى نظره آلهرق كنديلرينه خصوصى بر معلم
ومعلمه تعيين ايتدى ومنتظم بر طرزده تدريسلىرىنه اعتنا كوستردى .
ايشته نتيجه لى ، ثوابى مشمر معاونتلىر .

دوشونه لم كه جمعيت مقدسه بر آن اول بوزواللىلرك امدادينه
يتشمسه ايدى كيم بيلير بو يتيملر هانكى يد غدرك قربان اعتسافى
اوله جقدى .

فقط افسوس كه ترويسكى اهالى مسلمه سنك بو خدماتى تقدير
خصوصنده كى قدر شناسلنى چوق سورمه دى بر معتاد ديندارلق نقابى
آلتده اجراى نفاقدن خالى قالميسان غرضكارلر بوخيرلى مؤسسه يه
قارشى ده سهام تعريضى حواله ايدرك خلقى بوتشبدن دخى تربيدوتنغيره
موفق اولديلر . جمعيتك مؤسسلىرى تكفير اولندى . اغانه يه تشويق
ايدن خطيبلىر منبرلردن واعظلىر كر سيلردن جبراً اينديرلدى . زواللى
اسلاملر آره سنده ينه تفرقه لر بليردى بدخواهله ر محق بر وسيله

ناصل خيس برانديشه نك مغلوبى اولدقلىرىنى اكلادم :

« كورميورميسكز ؟ استانبولده ، خليفه اسلامى خلع ايدنلرهب
بوكي مكاتبدين نشأت ايدن شباندن عبارت ايمش .. كچن امتحانده ده
كورديك : بش ياشنده كى برچو جق اوتانمده دن ، صيقلمه دن بش بيك
كبرانك حضورنده بزم بيله لايقيه اكلايه ماديغمز مسائل دن بحث ايتدى
بناء عليه آتيز و طولاييسيله امير حضرتلرينك موقعى تهلكه ده در . »
بوسوزلرك نه درجه بى سروبن اولديغى ، مطالعين كرام حضراتى محاكمه
بيورسون . بن ، مؤاخذه ايتكه لزوم كورميورم . يالكز ششونى
عرض ايتمه دن كچه ميه جكم : علمائى كرام حضراتى بوكي ترهاتى سرد
ايله اميرى كندى طرفلرينه جلب ايتك ايتيورلر .

برده بوذوات محترمه شرعه استناد ايتك اوزره :

« القديم يترك على قدمه »

دييورلر مش . بودليله جواب ويرمك بزم صلاحيتمز داخلنده
اولماديفندن اهل علمه حواله ايدرز .

مكتبلرك جدول تدريسائى ده تدقيق ايتدك مغاير شرع شريف
هيچ بر شيئه تصادف ايتدك :

علم حال ، قرآن كريم ، تجويد ، حساب ، حسن خط ، بر بارچه
صرف ونحو ، قرائت فارسى ، چغتايجه قرائت .

مكتب قديمك پروگرامنه كلنجه : لايتغيردر . قرآن كريم دن
صو كره ميخانه دن ، غلمانايدن باحث ديوانلر : حافظ ، نوابى ،
فضولى ، صيقل ، بيدل . چو جق دها آغوش مادرنده ايكن :

الايها الساقى ادر كاساً وناولها

كه عشق آسان نمود اول وليك افتاد مشكلها ،

و : اشرقت من شمس عكس الكاس انوار لهداى

يار عكسين ميده كوردم ، جامدن چيقدى صدا

مقدمه سيله بر درس عيش و غرام المغه باشلار . بو تدريسات برده
بيرونانه حاشا ! - موافق احكام شرعيه عد ايديلورده چو جقلره
احكام دينيه لرلى بلا تكلف ، آز زمان ظرفنده تعليم ايدمك واسطه
تدريس منافى شر ، حتى كفر ! . تحريف دين ! دينور ! نه ديملى ؟
« ومن افترى على اء كذباً » ديمكدن باشقه چاره مز يوقدر .

عجبا بو علما ديدكلر مز جهله زمان الله دن قورقمايورلرمى ؟ وارثى يز
ديه فخر ايديكلىرى پيغمبردن اولسون حيا ايتيورلرمى ؟ جناب حقا
منتقم اولديغى خاطرلرينه كتيرمك ايسته ميورلرمى ؟

بو ، عادتا دينه قارشى بر عصيان ، بر طغيان ، بر بغي و فساد دكليدر ؟
خمرى صوكي ايجرلر .. آدينه ده اوتانمادن ، حيا ايتمه دن « مثلث
شرعى » قورلر ... اكل ربا ذاتاً بونلر ايچون مباح ، دهاده ذكرى
موجب حجالت اوله جق انواع مساوى ! بورذالتلر مشروع اوليورده
اصول جديده تدريس نه دن غير مشروع اوليور ؟ بونك جوابى غايت
بسيطدر :

چونكه چو جقلر احكام دينيه لرلى ، - حلال نه در ، حرام
نه كى شيلردر - او كره نه چك ، خالقنى ، پيغمبرينى لايقيه طانيه جق ،